

Parlamentario sra. Lorna
C. Jansen-Varlack

E edificio di ex Centro Medico tambe lo wordo renoba

ORANJESTAD (AAN) -- E edificio di ex- Centro medico bieu tambe lo wordo renoba den futuro cercano. Den e edificio aki tawatin 2 departamento : Directie Social y Directie Medio Ambiente. E edificio e ultimo añanan tawata den un estado deplorable, pesta cu schimmel y e den necesidad pa wordo renoba y desinfecta. E situacion tawata asina malo cu e tawata afecta e salud di e trahadonan.

E trahadonan di Asuntonan Social di San Nicolas a haya nan mes obliga pa sali di e edificio aki y bay traha den e edificio di Oranjestad. Clientenan di San Nicolas y vecindario mester a bay Oranjestad pa haya servicio di e departamento aki. Na fin di aña minister Mike de Meza a contribui cu 200 mil florin y minister Paul Croes a contribui cu 150 mil pa renobacion di e edificio di ex Centro Medico. Dentro di un par di luna e trabounan di renobacion lo cuminsa tuma luga y ta spera cu pa fin di e aña aki e departamentonan por gosa di un edificio completamente renoba.